

Акафист святителю Иоанну Златоустому

Составлен епископом Белгородским Никодимом (Кононовым). Одобрен в 1908 году.

Память: 09 февраля (27 января ст. ст.); 27 сентября (14 сентября ст. ст.); 26 ноября (13 ноября ст. ст.)

Утвержден для **общецерковного использования**.

Кондак 1.

Возбранный вождю Церкви Христовы, златословесный учителю Иоанне! От юности добродетельми украсився, добре потрудился еси, и за имя Христово гонение претерпев, во изгнании житие скончал еси: сего ради на небесех сугубо прославлен еси, мудрый чина Церковнаго устройтелю. Темже и мы умиленне чтим тя, зовуще:

Радуйся, святителю великий Иоанне Златоусте.

Икос 1.

Ангельский образ нося, во плоти аки безплотен пожил еси, Иоанне; во спасение бо братьи многия труды подъемля, дела добрыми Отца Небеснаго прославил еси. Темже ти глаголем:

Радуйся, Церкви Православныя украшение; радуйся, родителей именитых чадо благословенное.

Радуйся, еще во отрочестве от матери твоея любовью ко слову Божию напоенный; радуйся, от юности разум игу Христову покоривый.

Радуйся, Богу усердно послуживый; радуйся, вселенная учителю.

Радуйся, христиан всех времен в молитвах наставниче; радуйся, жития иноческаго в Цареграде обновителю.

Радуйся, готфов и скифов просветителю; радуйся, богоукрепленный правды ревнителю.

Радуйся, вшедый в радость Господа твоего; радуйся, усердный о нас предстателю.

Радуйся, святителю великий Иоанне Златоусте.

Кондак 2.

Видя Христос родителей твоих Секунда и Анфусы житие чистое, благоволи я прославити, и ты, Иоанне, има во утешение дарова; да вернии, добродетели твоя поминающе, превозносят чету праведную, ты израстившую, и, той ревнующе, поют Богу: Аллилуиа.

Їкос 2.

Разум учением умудривый, сердцем же во благочестии от младости воспитанный, радость и утешение был еси, Иоанне, матери твоёй, егда супруга своего и дочери лишился. Темже приносим тебе хвалы сицевыя:

Радуйся, отроком звезд благонравия; радуйся, ангела хранителя увеселение.

Радуйся, яко того николиже опечалил еси; радуйся, присных любимиче.

Радуйся, во учении преспевавый и тем мудрецы мира сего удививый; радуйся, яко, ещё ученик сый, Анфимия богохульника посрамил и вразумил еси.

Радуйся, угнетённых слёзы горькия в судех узревый; радуйся, от творящих беззакония уклонивыйся.

Радуйся, пути незлобия спасительнаго взыскавый; радуйся, по успении матери в пустыню заключивыйся.

Радуйся, тамо за родители преставльшиися Божю усердно моливыйся; радуйся, яко тии днесь, со Владычицею и святыми ликующе, от земнородных величаются и хвалятся.

Радуйся, святителю великий Иоанне Златоусте.

Кондак 3.

Силы, во еже словом и делом Христу работати, стяжал еси, Иоанне, аки тезоименный ти Предтеча, в пустыни. Там бо, постом страсти плотския умертвив, молитвою дух окрилил еси и, яко воин, противу князя власти воздушныя во вся орудия Божия облечлся еси, со упованием поя Богу крепкому: Аллилуиа.

Їкос 3.

Имья власяницу и пояс усмен о чреслах, Крестителя Христова ревнителю, бблием питался еси, Иоанне, в пустыни, из неяже, яко муж силы исполнь, изшел еси. Темже вопием ти:

Радуйся, воздержанием Илиї Пророку уподобивыйся; радуйся, нищеты Христова подражателю.

Радуйся, целомудрием неможение телесе укрепивый; радуйся, богомыслием уныние отгнавый.

Радуйся, памятию всеведения Божия сердце непорочно соблюдый; радуйся, бдением козни бесовския посрамивый.

Радуйся, искушения сам победивый и инья последї томужде научивый; радуйся, в делании духовнем подвижающихся мудрый укрепителю.

Рáдуйся, дру́га твоего́ Феодо́ра от паде́ния грехо́внаго удержáвый; **ра́дуйся,** дру́га твоего́ еписко́па Васи́лия во служе́нии утверди́вый.

Рáдуйся, от ми́ра изгна́нным пристáнища ти́хаго указáтелю; **ра́дуйся,** ино́ческаго жити́я защи́тнице.

Рáдуйся, святителю вели́кий Иоáнне Златоу́сте.

Конда́к 4.

Бу́рю искуше́ний но́вую победи́л еси́, Иоáнне, в пеще́ре еди́н всели́вся; бо́лезни же ра́ди из пу́стыни изше́д во Антиохию́, от свята́го Мелети́я во диа́кона поста́влен бы́л еси́ и попече́нию о неиму́щих ре́вностно преда́лся еси́. Е́же ви́дяще, ве́рнии ра́достно поя́ху Бо́гови: Аллилу́иа.

И́кос 4.

Слы́шав от ве́рных о тебе́ рече́и хвалéбныя, святи́й Флавиáн по досто́янию благода́ть священ́ства низведе́ на тя́, Иоáнне. Те́мже лю́дие антиохийсти́и веселя́хуся и, труды́ тво́я пра́ведно чту́ще, та́ко тя́ велича́ху:

Рáдуйся, о себе́ попече́ние вся́кое отверги́й; **ра́дуйся,** убо́гим покрóве.

Рáдуйся, тёплое си́рым прибе́жище; **ра́дуйся,** скорбе́й утолíteлю.

Рáдуйся, о людски́х неве́жествиих печа́льнице; **ра́дуйся,** де́вственнаго жити́я сладкогласный ублажа́телю.

Рáдуйся, мно́ги иуде́и просвети́вый; **ра́дуйся,** иска́вшия спасе́ния пра́вым уче́нием оглаша́вый.

Рáдуйся, жити́ем твои́м сегó уче́ния не посра́ми́вый; **ра́дуйся,** благоче́стия свети́льнице.

Рáдуйся, апо́столом еди́нонравни́че; **ра́дуйся,** я́ко пра́ведно даде́ся ти́ жре́бий па́стырскаго о душа́х попече́ния.

Рáдуйся, святителю вели́кий Иоáнне Златоу́сте.

Конда́к 5.

Богото́чною кро́вию от ве́чныя сме́рти искупле́нныя соблюда́я, егда́ са́н священ́ства прия́л еси́, Иоáнне, де́ло благове́стника трезв́ясь до́бре сотвори́л еси́, облича́я, запреща́я, умоля́я со вся́ким долготерпе́нием и уче́нием и поя́ Бо́гу: Аллилу́иа.

И́кос 5.

Ви́дя нестро́ения во гра́де, скорба́ же о се́м, покóя не позна́л еси́, Иоáнне, неве́рныя бо благове́стием оглаша́л еси́, ве́рныя же та́инствы церко́вными

освящ́ая и та́йнам ве́ры уча́, досто́йно стяжа́л еси́ и́мя Злата́я уста́, слы́шав от все́х сицев́ая:

Ра́дуйся, па́стырю до́брый; ра́дуйся, святы́м креще́нием мно́га ча́да Це́ркви Христо́ве породив́ый.

Ра́дуйся, пома́занием ми́ра печа́ть да́ра Ду́ха Свята́го те́м дарова́вый; ра́дуйся, святей́шия Трапéзы предста́телю умиле́нный.

Ра́дуйся, пи́щею нетле́ния ча́да тво́я пита́вый; ра́дуйся, пока́нием серде́ц очистите́лю.

Ра́дуйся, супру́жеств о Го́споде сочета́телю; ра́дуйся, е́леа пома́занием целите́лю.

Ра́дуйся, сло́ва Бо́жия нелож́ный истолкова́телю; ра́дуйся, ересей мо́щный обличите́лю.

Ра́дуйся, глубо́кий кла́дязю и́стиннаго богосло́вия; ра́дуйся, я́ко притяжа́л еси́ па́стыи сердца́, любве́ к тебе́ испо́лненная.

Ра́дуйся, святите́лю вели́кий Иоáнне Златоу́сте.

Конда́к 6.

Пропове́дник пока́нния наипа́че яви́лся еси́, Иоáнне, егда́ лю́дие антиох́ийстии, ца́ря подо́бие низве́ргше, гне́ву то́го досто́йно подпадо́ша. Бо́жиим бо милосе́рдием утеш́ая, ко исправле́нию жити́я словеси́ тво́ими влэ́кл еси́ вся́, во е́же се́рдцем чи́стым пе́ти Бо́гу: Аллилу́иа.

И́кос 6.

Воссия́ Антиох́ия ра́достию, егда́ по словеси́ тво́емý беззако́ния сво́я опла́кавши, ца́рево проще́ние получи́. Оба́че ско́рбию омрачи́ся вско́ре, с тобо́ю разлуча́ема: во архиепи́скопа бо Царю́граду при́зван бы́л еси́, Иоáнне. Те́мже тебе́ вопи́ем:

Ра́дуйся, а́ки Иса́ия, скорбь́ми гра́да оте́ческаго поболéвый; ра́дуйся, а́ки Иерем́ия, злонра́вие людско́е опла́кавый.

Ра́дуйся, а́ки Иезеки́иль, беззако́нники ко обра́щению призыва́вый; ра́дуйся, мо́лние, горды́ню низложив́шая.

Ра́дуйся, грóме, беззако́нно жив́шия устраши́вый; ра́дуйся, корыстолю́бия обличите́лю.

Ра́дуйся, па́губу тщесла́вия показав́ый; ра́дуйся, стúднаго э́ллинскаго многобо́жия посрамителю́.

Рáдуйся, смятѣнныхъ сердецъ умирѣтелю; радуйся, споспѣшнице епископу Флавиáну, старцу праведному.

Рáдуйся, со пустынножители царския пристáвники на мѣлость преклонѣвый; радуйся, Ио́не, Ниневѣю спасшему, равный.

Рáдуйся, святителю великий Иоáнне Златоусте.

Конда́к 7.

Хо́тя цѣрковь Цареградскую, áки невесту Христо́ву, досто́йно украси́ти, во благоле́пие вся́ привѣл еси́, Иоáнне. Всенощными бо бде́нии от сбóрищ арианскихъ вѣрныя отврати́л еси́ и чѣн Божѣственныхъ Литургѣи мѹдре устро́ил еси́, я́ко благовонное мѣро, источѣв моли́твы, ѣмиже назидáющесея, о тебѣ Бо́гови поѣм: Аллилу́иа.

Ўкос 7.

Но́вое зна́мение мѣлости Бо́жия бѣсть о тебѣ, святителю: моли́твами бо твоѣми вѣрнии всѣхъ вре́мен, Бо́гови бесѣдующе, во спасѣние умудряются. Приими́ ўбо от насъ сицевѣя хвалы́:

Рáдуйся, áки Давѣд, словесы́ моли́твенными Цѣрковь Бо́жию обогати́вый; радуйся, áки братъ Бо́жий Иáков, чѣн Божѣственныхъ Литургѣи написáвый.

Рáдуйся, в то́мже Вели́кому Васи́лию подража́вый; радуйся, Ду́ха Свята́го приятелище.

Рáдуйся, тобо́ю бо Ду́х Святы́й написа́ словеса́ спасѣтельная; радуйся, я́ко моли́твами твоѣми, от сна́ воста́вше, Отца́ благодарѣм.

Рáдуйся, я́ко твоѣми словесы́, ко снѹ грядѹще, от Ду́ха Свята́го прегрѣшѣний оставлѣния про́сим; радуйся, я́ко усты́ твоѣми Сы́на Бо́жия умоля́ем, да не в сѹд причáстие Божѣственныхъ Таинъ приѣмем.

Рáдуйся, ра́бе Бо́жий, уничи́женный на вѣчерю Христо́ву глашáяя; радуйся, проповѣднице Распя́таго на крестѣ за мирскѣй живо́т и спасѣние.

Рáдуйся, я́ко в сло́во твоѣ, áки в рѣзы позлащѣны, та́йны вѣры оде́яшася; радуйся, песнотворче и витѣя дѣвный.

Рáдуйся, святителю великий Иоáнне Златоусте.

Конда́к 8.

Стра́нник во юдо́ли земне́й бѣв, смире́ния, воздержáния и чистоты́ о́браз показáл еси́, Иоáнне, жити́ем во царствующемъ гра́де: та́мо бо обѣтели ѣноческия обновѣл и созда́л еси́ и уста́вы житѣя мона́шескаго да́л еси́ дѣвамъ непорочнымъ; от нихже, áки фими́амъ благовонный, вознесѣся Бо́гови пѣснь вели́кая: Аллилу́иа.

Їкос 8.

Всею душею Христови рабѡтая, человеком угождати не восхотѣл еси, Иоанне. Именитым бо вечера устроить престав, убогим трапезы умножил еси, странноприимницы же и безмездныя врачѣбницы недужным создав, научил еси пѣти тебѣ:

Радуйся, Николая, святителя Мирликийскаго, соревнователю; радуйся, стяжавый смиреніем высокая.

Радуйся, приобретый нищетою богатая; радуйся, сими добродѣтелями иноком образ бывый.

Радуйся, гладных питателю; радуйся, аки Авраам, странныя приимавый.

Радуйся, безприютных сирѡт приятелище; радуйся, безпомощных старцев и стариц попечителю.

Радуйся, избытки своя неимущим расточивый; радуйся, яко коемуждо в горестех, аки ангел утешитель, являлся еси.

Радуйся, руки богатых на благодеяния отвержавый; радуйся, яко о глубинѣ милосердія твоего Мати Божия возрадовася.

Радуйся, святителю великий Иоанне Златоусте.

Кондак 9.

Всяк язык спасти хотя, проповѣдники Евангелия ко скифам, праотцем нашим, послал еси, Иоанне, из Константина града, в немже храм во имя Апостола Павла создал еси готфом, да и тии, ересь ариеву отвергше, православными усты поют Бѡгови: Аллилуиа.

Їкос 9.

Витии православия к неверным послав, к церквам верных, во Азии сущим, сам подвиглся еси, Иоанне, и тыя посещая, нерадивыя обличая, усердныя же похваляя, вся смотрительно устроил еси. Темже ты славим:

Радуйся, православия светило; радуйся, пастырю добрый, о заблуждших овцах попекыйся.

Радуйся, яко в земли скифстей днесь имя твоѣ прославляется; радуйся, яко во имя твоѣ церкви Божия здѣ воздвизаются.

Радуйся, служения апостольскаго причастниче; радуйся, по словеси Апостола Петра стадо Божие пасый.

Радуйся, не нуждею, но волею и по Бѡзе сиѣ посещавый; радуйся, мздоимства твердый искоренителю.

Рáдуйся, правил церковных нелицеприятный блюстителю; радуйся, ленивые рабы праведно изгнавый.

Рáдуйся, яко во благое трудившиися от тебе похвалишася и укрепилшася; радуйся, Церкви испытанный управителю.

Рáдуйся, святителю великий Иоанне Златоусте.

Кондак 10.

Спасению паствы твоея служить не престал еси, Иоанне, от Асии в Царьград возвратився. Егда же царицы и именитых злонравное житие обличати безбоязненно начал еси, скорби многи приял еси; тобою бо обличаемии, не могуще абие яве заградити праведная уста твоя, тайно ковы деяху, во еже погубити тя, чисте Бóгови взывающа: Аллилуиа.

Икос 10.

Стенá невинно гонимым иноком явился еси, Иоанне: сего ради яве обнажися злоба велия, юже врази на тя имяху. Лестивый бо Феóфил со царицею нечестиво на соборищи оболга и низложитя, не помянув трудов твоих во благо отечества. Мы же сия благодарне воспоминаем, глаголюще:

Рáдуйся, дивную любовь ко отечеству земному показавый; радуйся, Царяграда от варварскаго нашествия свободителю.

Рáдуйся, Гайны, грозного вождя готфскаго, укротителю; радуйся, милостей древних, Церкви царьми дарованных, охранителю.

Рáдуйся, Евтропию властному убежище церковное отгяти не попускавый; радуйся, последи в сем убежищи тогожде Евтропия гонима спасый.

Рáдуйся, ограждения ради нитрийских иноков неправды соборища беззаконнаго кротце претерпевый; радуйся, яко слово Писания «любы долготерпит», на тебе оправдася.

Рáдуйся, ополчатися за тя присным воспретивый; радуйся, мечá противу врагов не подьемый.

Рáдуйся, властем повинувыйся и сего ради волею в руки воинов нощию предавыйся; радуйся, из отечества правды ради изгнанный.

Рáдуйся, святителю великий Иоанне Златоусте.

Кондак 11.

Пением радостным изменися вскоре плачь паствы твоея, доблий страдальче: во изгнание бо влекому ти, внезапно гром возгремэ, молния возблиста и, ветром

шумящим, земля поколебася. Яже видящи и трепещущи, царица раскаяся и честно тя возврати, смиренно вопиющи Богу: Аллилуиа.

Икос 11.

Светлую православия свещу, сугубо царица возненавиде тя вскоре, егда обличил еси ю, подобие свое близ храма поставльшую: сего ради, вторичею осужденный, в Кукузе, веси дальней и малей, заточен был еси, Иоанне. Приими убо от нас сицевыя хвалы:

Радуйся, по словеси Иеремину от юности ярем Божий подъемый; радуйся, по глаголу Христову, руку делания на рало духовное возложивый.

Радуйся, до конца вспять не отвративыйся; радуйся, противу царицы злонравныя возгремевый.

Радуйся, тою, аки Креститель Иродиадою, возненавиденный; радуйся, от убийц незримо ангелом спасенный.

Радуйся, в дому твоём любовью паствы твоея хранимый; радуйся, клеветми неправедных судей униженый.

Радуйся, в заточение со смирением безропотно шедый; радуйся, верными оплаканный.

Радуйся, за Господа распятого изязвленный и зашанный; радуйся, яко мученицы со Предтечею на небесах о терпении твоём ликоваву.

Радуйся, святителю великий Иоанне Златоусте.

Кондак 12.

Благодать Божия и во изгнании соблюдала ты, Иоанне, тамо бо, аки Павел святыи во узах, финикияном и персом Евангелие возвещал еси, посланными верныя утешая. И тако упасл еси Церковь даже до дне, вонже златая уста твоя изрекоша словеса последняя: Слава Богу за вся! Душа же твоя на небесах пренесена бысть святыми Ангелы, победне вопиющими: Аллилуиа.

Икос 12.

Поюще радостно, вернии пренесоша святыя мочи твоя, Иоанне, в Царьград, отнюдуже слава твоя пройде до последних земли и обыде всю вселенную, учащи всех пети тебе сие:

Радуйся, странниче, во отечестве небесное вшедый; радуйся, всех церквей молитвами напутствованный.

Радуйся, на пути в Пифиунт дальний в Команех течение скончавый; радуйся, яко кончину ти предрече священномученик Василиск.

Рáдуйся, от сегó услышавый: Брате, заўтра кúпно обрящемся; радуйся, Святы́х Таин пріятием к восхождéнию в рай укрепívыйся.

Рáдуйся, я́ко душа́ тво́я от многотруднаго телесé т́хо разлуч́йся; радуйся, я́ко тлéние не прикосну́ся костéм тво́им.

Рáдуйся, я́ко на с́их во хра́мех Жéртва Безкрóвная днесь возно́сится; радуйся, небéсных высóт обитáтелю, свéтом невечéрным осия́нный.

Рáдуйся, я́ко со святы́ми Васи́лием Вели́ким и Григóрием Богослóвом я́влься, восхваля́ти т́я кúпно со óними вся́ науч́ил еси́; радуйся, сла́во Цéркве вселéнския.

Рáдуйся, святителю вели́кий Иоáнне Златоúсте.

Конда́к 13.

О святителю вели́кий Иоáнне Златоúсте! При́зри с небéсных высóт на ны́, до́лу по́верженныя, и приéм сиé от любв́е на́шея принос́имое т́и хвалéние, умоли́ Гóспода Бóга, да излиéт на ны́ благодáть Свою́, немощна́я врачую́щую, сущ́ия во правосла́вии укреп́ит, отпа́дшия же от Цéркве па́ки в ло́но то́я приведéт, благоутрóбием Сво́им оскудева́ющая восполня́я, и все́х сподóбит с тобо́ю и все́ми святы́ми пéти Емú во вéки: Аллилу́иа.

Этот конда́к читается трижды, затем и́кос 1-й и конда́к 1-й.

И́кос 1.

А́нгельский óбраз нося́, во плóти áки безплóтен пож́ил еси́, Иоáнне; во спасéние бо бра́тий мно́гия труды́ подьéмля, дéлы дóбрыми Отца́ Небéснаго просла́вил еси́. Тёмже т́и глагóлем:

Рáдуйся, Цéркве Правосла́вныя украшéние; радуйся, родíteлей имен́итых ча́до благословéнное.

Рáдуйся, ещё́ во óтрочестве́ от ма́тере тво́ея́ любóвию ко слóву Бóжию напоён́ный; радуйся, от ю́ности рáзум и́гу Христóву покорívый.

Рáдуйся, Бóгови усéрдно послуж́ивый; радуйся, вселéнныя учíteлю.

Рáдуйся, христиáн все́х времён в моли́твах наста́вниче; радуйся, жити́я и́ноческаго в Царегра́де обновíteлю.

Рáдуйся, гóтфов и ски́фов просветíteлю; радуйся, богоукреплéнный правды ревнíteлю.

Рáдуйся, вше́дый в рáдость Гóспода тво́его; радуйся, усéрдный о нас предстáтелю.

Рáдуйся, святителю вели́кий Иоáнне Златоúсте.

Конда́к 1.

Возбра́нный вождю́ Цѣркве Христо́вы, златословѣсный учите́лю Иоа́нне! От ю́ности добродѣтелями украси́вся, до́бре потруди́лся еси́, и за́ имя Христо́во гоне́ние претерпе́в, во изгна́нии жити́е сконча́л еси́: се́го ра́ди на небесе́х сугу́бо просла́влен еси́, му́дрый чи́на Цerkóвнаго устройте́лю. Те́мже и мы́ умиле́нне чти́м тя́, зову́ще:

Ра́дуйся, святите́лю вели́кий Иоа́нне Златоу́сте.

Моли́тва.

О святите́лю вели́кий Иоа́нне Златоу́сте! Мнóгая и разли́чная дарова́ния от Го́спода при́ял еси́ и́, я́ко ра́б благи́й и ве́рный, вся́ да́нная тебе́ тала́нты до́бре умно́жил еси́: се́го ра́ди вои́стинну вселе́нский учите́ль бы́л еси́, я́ко вся́к во́зраст и вся́ко зва́ние от тебе́ поуча́ется. Ты́ еси́ отроко́м – послуша́ния о́браз, ю́ным – целому́дря свети́ло, муже́м – трудолю́бия наста́вник, ста́рым – незло́бия учите́ль, ино́ком – воздержа́ния пра́вило, моля́щимся – во́ждь от Бо́га вдохнове́нный, му́дрости и́щущим – ума́ просвети́тель, вития́м доброглаго́ливим – сло́ва жива́го исто́чник неисчерпа́емый, благотворя́щим – милосе́рдия звезда́, нача́льствующим – правле́ния му́драго о́браз, пра́вды ревни́телем – дерзнове́ния вдохнови́тель, пра́вды ра́ди гони́мым – терпе́ния наста́вник: все́м вся́ бы́л еси́, да вся́ко не́кия спасе́ши. Над все́ми же си́ми стяжа́л еси́ любо́вь, я́же е́сть сою́з соверше́нства, и то́ю, я́ко си́лою Божество́нною, вся́ дарова́ния во еди́нем лице́ твоём во еди́но совокупил еси́ и ту́южде любо́вь, разделённая прими́ряющую, в толкова́нии словѣс апо́стольских все́м ве́рным пропове́дал еси́. Мы́ же грѣшнии, по еди́ному кийждо́ своё дарова́ние иму́ще, едине́ния ду́ха в сою́зе ми́ра не има́мы, быва́ем тщесла́вни, дру́г дру́га раздража́юще, дру́г дру́гу завидя́ще; се́го ра́ди дарова́ния на́ша разделённая не в ми́р и спасе́ние, но во вражду́ и осужде́ние на́м явля́ются. Те́мже к тебе́, святите́лю Бо́жий, припа́даем, раздо́ром обурева́еми, и в сокруше́нии се́рдца про́сим: моли́твами твои́ми отже́ни от серде́ц на́ших вся́ку го́рдость и за́висть, на́с разделя́ющая, да во мно́зех у́дех еди́но те́ло церко́вное бу́дем, да по словеси́ твоёму́ моли́твенному возлю́бим дру́г дру́га и единомы́слием испове́мы Отца́ и Сы́на и Свята́го Ду́ха, Трои́цу Единосущную́ и Неразде́льную, ны́не и при́сно и во ве́ки веко́в. Ами́нь.